

雙

烈

記

上

雙

龍

記

一

雙烈記

古本戲曲叢刊二集

古本戲曲叢刊編刊委
員會影印長樂鄭氏藏
汲古閣刊本原書版高
二十公分寬十三公分

雙烈記目錄

卷上

第一齣

開宗

第二齣

訪道

第三齣

引狎

第四齣

推詳

第五齣

妄尊

第六齣

抒摶

第七齣

抵寓

第八齣

代役

第九齣

應寡

第十齣

勉承

第十一齣

奇遇

第十二齣

就婚

第十三齣

計遣

第十四齣

惜別

第十五齣

受職

第十六齣

從征

第十七齣

滅醜

第十八齣

酬功

第十九齣

得嗣

第二十齣

決計

第二十一齣

乞恩

第二十二齣

寵錫

第二十回

前出

第二十一回

子思

第二十二回

大校

第二十三回

計圖

第二十四回

隔衣

雙烈記目錄上

終

雙烈記

上

第一齣

青玉案人生南北如岐路世事悠悠等飛絮造化
小兒無定據翻來覆去倒橫直豎眼見都如許伊
周事業何須數不學淵明便歸去坎止流行隨所
寓玉堂金馬竹籬茅舍總是無心處

問答照常

望海潮英武韓公賢哉梁國軍門一見稱奇甘露
定盟歸來告母新正得效于飛討方臘清溪斬苗

劉行在功業崔嵬駐旆金山黃天蕩裡困酋夷○
金兵夜遁誰知有夫人効奏夫失兵機聖主玉音
嘉獎誥封兩國應希斥秦檜奸私見忠良莫救解
組恬歸十載西湖烟水今古羨知幾

梁夫人佳配潤州城 宋高宗復辟臨安府
金兀术鑿河走建康 韓蘄王受爵封茅土

第二齣 生扮韓世忠上

瑞鶴仙少負屠龍志想伊周功業丈夫餘事蒼天
苦何意使英雄困屈半生淹滯袖中三尺劒嘆空

自光芒貫日倘一時離匣風馳電掣掃除妖魅燕
臺一望客心驚蕭鼓喧喧漢將營恨切兩宮居
朔漠忍教大駕走神京敢將長劒撐寰宇欲挽
天河洗甲兵年少雖非投筆吏論功還擬請長
西纓韓世忠字良臣陝西延安人也七尺身軀風
骨偉岸千斤膂力驚悍標雄射能洞貫穿楊騎
善飛身跳澗家世本夷原忝托列侯之苗裔功
名期竹帛敢恢百二之山河不幸雙親早喪事
業蹉跎四海無家江湖落魄正是心丹徒切國

家憂時乖未遂男兒願今當兵戈擾攘之際正
男兒立志之秋昨者三陽縣張俊英偉不羣武
藝出衆頗非凡流相約往江南投軍不免在家
相候道尤未了那壁廂張伯英早到

西地錦

小生扮張俊上

燕市朝隨俠士秦樓夜宿

娼兒生平未識家人事丈夫立志誰知自家張俊
字伯英秦州三陽縣人氏因善騎射本州僉爲
弓箭戶雖是家業貧窘頗有韜畧隨身昨與延
安韓良臣相約江南投軍不免同去走遭此間

已是呀韓兄拜揖昨有所約幸望見携生所約

已定更有一事要先行終南山有一隱士年高

德邵時望所尊人皆稱爲陳公你我身爲功名

到彼請教可否何如小生既有高人在彼正宜

請教就此同行欲投郊外栖雲嶺離却城東舊

草堂生爲訪高明同到此休論險峻陟山岡此

間已是他所你看青山幾疊綠水半灣門掩長

松籬編修竹是好奇勝也待我叩門有人在此

麼

前腔

外扮隱者陳公上

坳壑深山高隱麻衣藿食

隨時封侯拜將他人事嗟余骨相非宜自家太虛

道人陳公是也甘投岩壑不求名利此間往來

甚少忽聞叩門不知甚人到此待我去看

外開

門科

呀賢弟何來

生

小弟久失奉候特來拜問

起居

外

老夫亦嘗想念賢弟今日下顧良慰鄙

懷

小生相見科

老先生拜揖

外

先生拜揖賢弟

此位高姓

生

此間乃秦州三陽縣張伯英名俊

韜畧諳曉方馬熟閑邁衆不羣當世名士

外久

慕久慕

生

告稟老先生得知今國步多艱羣寇

四起正大丈夫建勛業取功名之時晚輩欲報

効朝廷不欲齷齷自守未知可否望公指教

外

壯哉壯哉桑弧蓬矢以射四方丈夫之事今老

弟當此青年一身本事又值國家用人之際此

時不去却不負却平生正宜乘此機會斬戮鯨

鯢勒名鐘鼎雖老夫樗朽亦與有光

生

旣蒙指

教深感厚恩倘有寸進定當啣報

外

老弟此行

定有幾時相別我床頭松花酒熟聊爲二位奉

餞溪雲野雀二童那里

丑淨扮二童上

溪雲溪

雲痴癩真是無心只會飽食困睡不慣寫字彈

琴

淨

野雀野雀作伴青松最樂不去海上蟠桃

只與師父煨腳師父喚我二人那壁廂使用

外

有佳客在此取松花酒山蔬來共酌

丑淨虛下

理會得

復上

饌羞野簌盈盤美酒釀松花撲鼻

香師父酒在此了

外

老弟此一杯酒爲二位餞

別願此去掃蕩烟塵取金印如斗懸肘後吾之

願也張兄是客先敬此一杯

宜春令 山河變社稷危正烽烟漫漫四迷英豪雄

偉好將功業鳴當世還須罄赤膽丹心穩倩取金

魚瑤珮 合休辭滿飲三杯壯君行李老弟請飲此

杯

前腔 松花釀桃核杯餞君行休悲路岐兩般須記

蒙塵遷播朝廷耻此臣子不共深讐望英雄早行

慨洗 合前生晚輩辱承指教敢借佳釀轉敬一杯

外不勞

前腔

生迤酒

驅羊豎屠狗兒敢慚言胸藏豹羆我